

HERNOEMING VAN DIE RW WILCOCKS-GEBOU

RIGLYNE VIR NOMINASIES EN HERNOEMINGSPROSES

Nominasies en hernoemingsproses:

- 'n Oproep om nominasies, insluitend riglyne en 'n nominasievorm, sal vanuit die Registrateurskantoor gestuur word.
- Alle nominasies sal by die Komitee vir die Vernoeming en Hernoeming van Geboue, Lokale en ander Fasiliteite/Persele (Naamgewingskomitee) ingedien word.
- Die Naamgewingskomitee sal alle voorstelle oorweeg en 'n kortlys aan die Rektroraat voorlê vir oorweging.
- Die Rektroraat sal die voorgestelde naam by die Uitvoerende Komitee van die Raad aanbeveel vir goedkeuring.

Tydlyn vir nominasies:

- Nominasies sal vir 30 dae oop wees na die eerste uitnodiging.

Wie mag nominasies indien:

- Geregistreeerde US-studente,
- Alle permanente of voltydse US-personeellede,
- Verteenwoordigende lede van gemeenskapstrukture³ op die IF van die US.

Die Naamgewingskomitee kan, na goeddunke van die lede en indien nodig, die nominasieproses verleng en bykomende inligting rakende nominasies versoek.

• ³ Stellenbosch Co-management Forum (insluitend Die Vlake Stellenbosch Forum),
• Stellenbosch Munisipaliteit,
• WCED (Stellenbosch),
• Raad vir Kersamewerking op Stellenbosch (CCCS),
• Stellenbosch se Burgerlike Voorspraaknetwerk (SCAN),
• Stellenbosse Belastingbetalers.

Oorweeg asb die volgende wanneer 'n nominasie ingedien word:

- Die Universiteit se verbintenis tot die ideaal van 'n inklusiewe wêreldklas-universiteit in en vir Afrika;⁴
- Die Universiteit se verbintenis tot die aanvaarding van nuwe visuele simbole wat voorsiening maak vir die insluiting van 'n verskeidenheid uitdrukkings, stories, identiteite en geskiedenis⁵;
- Die onderskeidende karakter van die Universiteit as instelling vir hoër onderwys;
- Die Universiteit se verbintenis tot die bevordering van akademiese integriteit, akademiese vryheid en vryheid van wetenskaplike navorsing, verantwoordelikheid, aanspreeklikheid, etiese gedrag, billikheid, en deursigtigheid;⁶ en
- Die potensiaal vir die proses om onderrig en leer te verryk, en as 'n gemeenskapswye leerervaring te dien.

⁴ Eeufeesverklaring van die Universiteit Stellenbosch, 2018.

⁵ Beleid oor Visuele Regstelling van die Universiteit Stellenbosch (konsep), 2020.

⁶ Inleiding tot die US-Statuut, 16 Augustus 2019.